


**ՄՅՈՒՆԻՔԻ ՄԱՐԶՊԵՏ ՌՈՔԵՐՏ ԴՈՒԿԱՍՅԱՆԻ
ՇՆՈՐՀԱՎՈՐԱՆՔԸ՝ 2021-2022 ՈՒՍՏԱՐՎԱ ՇՐՋԱՆԱՎԱՐՏՆԵՐԻՆ
03.06.2022**



Դպրոցին հրաժեշտ տվող սիրելի՛ շրջանավարտներ

Մանկավարժներ, ծնողներ

Այսօր յուրահատուկ իրադարձություն է ձեր կյանքում՝ պայծառ ու հիշարժան տոն, որի կապակցությամբ շնորհավորում եմ բոլորիդ:

Ավարտվում է ձեր կյանքի՝ դասերով, ամենօրյա փոփոխություններով, ուրախ ընկերներով, իմաստուն ուսուցիչներով ու գիտելիքներով լեցուն մի շրջան:

Հարազատ կրթօջախում լավոր դպրոցական Վերջին զանգը բոլորիդ հիշեցնում է առաջին սովորած տառի ու ինքնուրույն կարդացած բառի, տքնաջան աշխատանքի, ծնողների ամենօրյա խրատների, ձեռք բերած թանկ ընկերության ու ուսուցիչների անկեղծ սիրո մասին:

Այսօրվանից սկսվող մեծ ու պատասխանատու ճամփորդության մեկնարկին ուզում եմ անպայման ասել, որ հավատում եմ ձեր ուժերին, գիտելիքներին, շնորհներին. ձեզ հետ շփումներն ու զրույցներն են իմ այս լավատեսության հիմքը:

Եղե՛ք համարձակ և ինքնավստահ, մի՛ վախեցեք երազել ու նախաձեռնել, ակտիվորեն փորձեք իրագործել երբեմն մեծերի համար անժամանակ թվացող գաղափարներն ու հարազատ բնակավայրի, մարզի, երկրի զարգացումն ու առաջընթացը կզան...

Մաղթում եմ բոլորիդ հաջողություններ՝ սպասվող քննությունների, մասնագիտության ընտրության, կրթությունը շարունակելու, ինքնուրույն որոշումներ կայացնելու, ծրագրեր ու նպատակներ իրականացնելու ընթացքում:

Անչափ ցանկալի է, որ լավ մասնագետ, քաղաքացի դառնալուց հետո ձեր երազանքները ձգտեք իրականացնել հայրենի մարզում՝ Սյունիքում. այսօր մենք ամեն ջանք ներդնում ենք այդ նպատակի՝ ձեր վերադարձի ցանկության ու այստեղ ամուր ապրելու համար: Հարգելի՛ ուսուցիչներ, ընդունեք իմ խորին շնորհակալությունը ձեր անզնահատելի ու անձնուրաց աշխատանքի համար:

Շնորհավորում եմ նաև մեր շրջանավարտների ծնողներին, քանզի զավակների հաջողությունն առաջին հերթին իրենցն է:

Սիրելի՛ շրջանավարտներ, խաղաղ երկիր, քաջամոռջություն, ինքնավստահություն, հաջողություններ և կյանքի բոլոր ոլորտներում մեծ հաղթանակներ եմ ցանկանում ձեզ: Թո՛ղ որ աշխարհը բարի լինի ձեր հանդեպ, բայց հիշեք, որ այս աշխարհը նաև դուք եք կառուցում ու պատասխանատու եք ապագա աշակերտների համար...

Բարի՛ երթ 2021-2022 ուստարվա բոլոր շրջանավարտներին: